

HWYRDDYFODWYR I'R IAITH - YMUNO AG ADDYSG CYFRWNG CYMRAEG

Pam dewis Cymraeg?

Buasem yn croesawu eich plentyn o unrhyw oedran ac yn cynnig rhaglen bontio bwrpasol i gefnogi eich penderfyniad i symud eich plentyn i addysg cyfrwng Cymraeg.

Daw mwyafrif y disgyblion sy'n mynychu ein hysgol o gartrefi di-Gymraeg. Cymraeg yw iaith swyddogol ein hysgol, a'n nod yw datblygu gallu plant i gofleidio a defnyddio dwy iaith yn effeithiol erbyn iddynt adael yr ysgol gynradd.

Gyda hyn mewn golwg, rydym yn canolbwyntio'n llwyr ar y Gymraeg yn y Blynyddoedd Dysgu Sylfaen (meithrin i flwyddyn 2) ac mae plant yn cael eu trochi yn yr iaith yn y dosbarth ac o gwmpas yr ysgol.

Y nod wedyn yw meithrin dwyieithrwydd drwy gydol Cyfnod Allweddol 2. Mae plant sy'n dechrau ym mlwyddyn 3 neu uwch, sy'n newydd i'r Gymraeg, yn cael eu cefnogi trwy raglen drochi iaith 10 wythnos bwrpasol a chydlynol a ariennir gan yr Awdurdod Lleol.

Yn y boreau, mae'r plant yn rhan o grŵp dysgu bychan sy'n cael ei addysgu gan arbenigwyr mewn addysgu Cymraeg sy'n cael ei gefnogi gan un o Athrawon Ymgynghorol y Gymraeg Sir y Fflint. Yn ystod y prynhawn, mae plant yn dilyn cwricwlwm arferol yr ysgol yn y dosbarth lle cânt gyfleoedd i ymarfer defnyddio'r iaith y maent wedi bod yn ei dysgu yn y boreau.

Ar ôl 10 wythnos, mae plant yn aros yn y dosbarth yn llawn amser, ac mae athrawon dosbarth yn defnyddio cronfa o adnoddau i barhau i gefnogi plant wrth iddynt ddatblygu eu sgiliau ieithyddol.

Mae'r rhaglen 10 wythnos ar gael fel adnodd cwbl ddigidol, felly gall rhieni hefyd gael mynediad i'r rhaglen a dewis dysgu ochr yn ochr â'u plant os dymunant. Mae manylion mewngofnodi ar gael o ysgol y plentyn.

Fideo yn cyflwyno'r rhaglen yma:



Fflam Fflint Video.mp4

MANTEISION BOD YN DDWYIEITHOG:

Mae meddu ar y gallu i siarad Cymraeg naill ai'n sgil hanfodol neu ddymunol ar gyfer nifer cynyddol o swyddi.

Gallu cymhwyso gwybodaeth mewn o leiaf dwy iaith.

Cynyddu'r gallu i ddysgu iaith arall.

Mae dysgu Cymraeg yn cynnig cyfleoedd i brofi dau ddiwylliant gan gynnwys llenyddiaeth, cerddoriaeth, cyfryngau digidol, a llu o bethau eraill.

Gall siarad Cymraeg helpu i feithrin dealltwriaeth lawnach o gymuned ehangach person a'i le ynddi.

Mae ymchwil yn dangos bod plant sy'n deall dwy iaith yn meddwl yn fwy hyblyg a chreadigol.

Gall helpu gyda phontio rhwng cenedlaethau os yw neiniau a theidiau neu aelodau o'r teulu yn fwy cyfforddus mewn un iaith.

I ddysgu mwy am y manteision hyn, gweler y fideos a'r erthygl isod:

Ted Talk: The Benefits of a Bilingual Brain (4:49e):

https://www.ted.com/talks/mia_nacamulli_the_benefits_of_a_bilingual_brain/transcript?language=en

Menter Iaith: Cyfres o fideos byr (i gyd o dan 1 munud) yn amlygu manteision addysg ddwyieithog:

https://www.youtube.com/playlist?list=PLad5Y0wC3xUCNqG0KE8qrq9rDG_dgZQCh

Erthygl: Bilingual children have more efficient thinking skills, research by Bangor lecturers reveal (2 funud o ddarllen):

<https://nation.cymru/news/bilingual-children-have-more-efficient-thinking-skills-research-by-bangor-lecturers-reveals/>

CEFNOGAETH I DDISGYBLION A RHIENI

Rydym yn brofiadol iawn wrth gefnogi disgyblion a rhieni.

Anfonir pob gohebiaeth o'r ysgol adref yn ddwyieithog. Bydd athro eich plentyn yn fwy na pharod i'ch helpu gyda gwaith cartref eich plentyn. Yn wir, mae ymchwil yn awgrymu y gall ymdrin â'u gwaith mewn dwy iaith helpu plant i ddeall y pwnc y maent yn ei astudio a gall arwain at ddysgwyr mwy annibynnol.

I gael rhagor o wybodaeth am addysg uwchradd cyfrwng Cymraeg yn Sir y Fflint, ewch i [*Dolen i Ysgol Maes Garmon yma*](#)

Am fwy o wybodaeth am addysg cyfrwng Cymraeg yn Sir y Fflint, ewch i:

<https://www.siryfflint.gov.uk/cy/Resident/Schools/Welsh-Medium-Schools.aspx>